

7

Ali ar Roue Salomon

Selaouet gant spont hag eston
Ali ar Roue Salomon
Gravet hen don en ho spered
Ha biken pec'hed na refet.

Ret eo mervel, hag en instant
Komparissa er jujamant
Deut eo an arret hep appel
D'ar gloar pe d'an tan eternal.

Ar pezh zo kaoz ma ren er bed
En touez pep sort tud ar pec'hed
Eo a boan e kefer unan
A zonzjer finio divezan.

Rag ar c'horf hervez an natur
Ne glask nemet he blijadur
Ha koulskoude en ber, hep mar
Ez ai da vreina en douar.

Ar c'horf a zo en pep fesson
Ken dilikat ha ken minion
Mes goude bea re vaget
E vo ive boed d'ar preved.

Ar bed ma a zo ken treitour
Evel eur bluen var an dour
An nep en em fizio enñhan
A vezo zur tromplet ganthan.

rometi a ra hir vue
D'ar re a zo var bord ho be
D'ar re iac'h ne glanvfont ket
D'ar re glanv e promet iec'hed.

Ne laket ket ho kalonnou
Er bed ma da zatum madou
Madou ha pa vent dastumet
N'en d'int netra nemert moged.

Rag goude kement fatig
Evit n'em renta pinvidik
Petra po evit ho poan
Po sortifet euz ar bed man ?

Eur c'hos insel, pevar flanken
Eun dorchon plous dindan ho pen
Setu eno ho heritach
Ha n'ho po ken evit partaj.

Na fiziet ken en ho iec'hed
N'ho iaouankis, en ho kenet
Ar maro zo kren hag a ziskar
Ar re nerzuza d'an douar.

N'hen deuz na madou na noblans
Genet na braster na bombans
Disent euz lezen ar maro
Ho falc'het a raio pa garo.

